

rum Prædictionum vltima indicaret bene sufficienterq;: Præcipue *Matthæus*, qui Veteris in Novo Fœdere τέλει[©] quam optime monstrat, citatis abundanter Prophetarum Locis: Quod insigniter præstitit initio mox Historiæ suæ, circa delineandam I. C. NATIVITATEM. Hoc ipsam argumentum nos, tempori inseruientes, elegimus, in quaecumque specimen disputatorium. Quod itaque felix faustumque ille noster IESVS esse iubeat, primum ipsorum Vaticinii Iesaiiani de CHRISTO *verborum sensum* atque ἐξήγησιν planam faciemus: deinde eruemus aliqua πορίσματα.

Ἐξήγησις.

Vaticinium hocce Iesaiianum de *Messia* agere, nemo certe negauerit, nisi qui verbi diuini auctoritatem profernere temerario audeat molimine: Præterea enim quod locuples Commentator præsto sit MATTHÆVS, in ipsis laudati Dicti verbis notæ huius veritatis sunt quam plurimæ; Immo vix oculis subiicies verba Iesaiæ, & in ipso frontispicio animaduertes mox, quæ & attentum te, & attonitum reddere queant, sanctumque infigere sciendi desiderium eorum, quæ sequentibus proponuntur.

הנהו ECCE! Hæc vox, (Conf. Zach. VI, 12. Luc. I, 31. 38. 44.) ne de הנה, quod præcedit, dicam, in primo statim limine subinnuit, ea, quæ dicturus est Propheta, admiratione non tantum maxime digna, singularissima & plane miraculosa fore; sed etiam apud ipsos suos, siue auditores, siue Lectores, attentos parare studet eadem animos: Quam ipsam attentionis notam ודג, S. litteræ sæpissime, vbi res magni momenti proferenda est, præ-